

8. maj 1998

UPA 1998/18

**Naligiissitaanissamut Siunnersuisoqatigiit pillugit Inatsisartut inatsisissaannut
siunnersuut**

pillugu

Inatsisartut Isumaginninnermut Suliffeqarnermullu Ataatsimiititaliaata

ISUMALIUTISSIISSUTAA

siunnersuutip aappassaaneerneqarneranut saqqummiunneqartoq

Inatsisartut Isumaginninnermut Suliffeqarnermullu Ataatsimiititaliaata
suliarinninnermini ilaasortarai

inatsisartut ilaasortaq Finn Karlsen (A)
inatsisartut ilaasortaq Ruth Heilmann (S)
inatsisartut ilaasortaq LānguaK' Lynge (S)
inatsisartut ilaasortaq Jakob Sivertsen (A)
inatsisartut ilaasortaq Lars Sørensen (IA)

Inatsisartut Isumaginninnermut Suliffeqarnermullu Ataatsimiititaliaata Inatsisartut
siullermeerinninnerisa kingorna Naligiissitaanissamut Siunnersuisoqatigiit pillugit
Inatsisartut inatsisissaattut siunnersuut oqaaseqaatitaalu misissuataarpai.

Ataatsimiititaliap isumaqatigiissup Naligiissitaanissamut Siunnersuisoqatigiinnik
pilersitsisoqarnissaa taperserpaa.

Ataatsimiititaliap Siunnersuisoqatigiinni ilaasortaasussat katitigaanerat oqallisigaa,
tamatumunngalu atatillugu makkuninnga allannguutissatut siunnersuuteqassalluni:

Kapitali 3, imm. 2, nr. 3-tut nutaatut ilanngunneqassaaq:

3) Sulinermik Inuussutissarsiuteqartut Kattuffiat

Kapitali 3, imm. 4, nr. 2-tut nutaatut ilanngunneqassaaq:

2) Kalaallit Nunaanni sulisitsisut peqatigiiffii aamma Nunatsinni Atorfillit Kattuffissuat.

Ataatsimiititaliap taamatutaaq Naligiissitaanissamut Siunnersuisoqatigiit ukiumoortumik nalunaaruteqartarnissaat oqallisigaa, imalu allanngortitsisoqarnissaa siunnersuutigalugu:

Kapitali 2-mi imm. 3-tut nutaatut ilanngunneqassaaq:

Imm. 3. Naligiissitaanissamut Siunnersuisoqatigiit ukiut tamaasa ukiumi qaangiuttumi sulineq pillugu Inatsisartunut nalunaarusiortassapput.

Inatsisartut Isumaginninnermut Suliffeqarnermullu Ataatsimiititaliaata taamatutaaq kissaatigaa inatsisissatut siunnersuummi § 11, Naligiissitaanissamut Siunnersuisoqatigiit ukiumoortumik naatsorsuutaannut tunngasoq, oqaaseqarfigilaassallugu. Ataatsimiititaliap inassutigissavaa Landskarsip naatsorsuutaasa suliarineqarnerinut atatillugu Naligiissitaanissamut Siunnersuisoqatigiit ukiumoortumik naatsorsuutaat immikkut takuneqarsinnaassasut.

Taamatut oqaaseqarluni allannguutissatullu siunnersuuteqarluni Inatsisartut Isumaginninnermut Suliffeqarnermullu Ataatsimiititaliaata inassutigissavaa Naligiissitaanissamut Siunnersuisoqatigiit pillugit Inatsisartut inatsisissaattut siunnersuut taama isikkoqarluni aappassaaneerpeqassasoq.

Finn Karlsen (A)
siulittaasoq

Ruth Heilmann (S)

Jakob Siverrtsen (A)

LānguaK' Lynge (S)

Lars Sørensen (IA)